

御定全唐诗

全唐詩目 第八函

第七冊

杜牧 八卷

全唐詩

杜牧

杜牧字牧之京兆萬年人太和二年擢進士第復舉賢良方正沈傳師表爲江西團練府巡官又爲牛僧孺淮南節度府掌書記擢監察御史移疾分司東都以弟顥病棄官復爲宣州團練判官拜殿中侍御史內供奉累遷左補闕史館修撰改膳部員外郎歷黃池睦三州刺史入爲司勳員外郎常兼史職改吏部復乞爲湖州刺史踰年拜考功郎中知制誥遷中書舍人卒牧剛直有奇節不爲齷齪小謹敢論列大事指陳病利尤切其詩情致豪邁人號爲小杜以別甫云樊川詩四卷外集詩

一卷別集詩一卷今編爲八卷

感懷詩一首

時滄州用兵

高文會隋季提劍狗天意扶持萬代人步驟三皇地聖
云繼之神神仍用文治德澤酌生靈沈酣薰骨髓旄頭
騎箕尾風塵薊門起胡兵殺漢兵屍滿咸陽市宣皇肅宗也
走豪傑談笑開中否蟠聯兩河間燼萌終不弭號爲精
兵處齊蔡燕趙魏合環千里疆爭爲一家事逆子嫁虜
孫西隣聘東里急熱同手足唱和如宮徵法制自作爲
禮文爭僭擬壓階螭鬬角書屋龍交尾署紙日替名分
財賞稱賜割隍呼恬切萬尋繚垣壘千維誓將付孱孫血
絕然方已九廟仗神靈四海爲輸委如何七十年汗赭

含羞恥韓彭不再生英衛皆爲鬼凶門爪牙輩穰穰如
兒戲累聖但日吁闔外將誰寄屯田數十萬隄防常惴
惴急征赴軍須厚賦資鹵器因隳畫一法且逐隨時利
流品極蒙朶網羅漸離弛夷狄日開張黎元愈憔悴邈
矣遠太平蕭然盡煩費至于貞元末風流恣綺靡艱極
泰循來元和聖天子元和聖天子英明湯武上茅茨覆
宮殿封章綻帷帳伍旅拔雄兒夢卜庸真相勃雲走轟
霆河南一平盪繼于長慶初燕趙終昇襁攜妻負子來
北闕爭頓顙故老撫兒孫爾生今有望茹鰥喉尙隘負
重力未壯坐幄無奇兵吞舟漏疎網骨添薊垣沙血漲
滹沱浪祇云徒有征安能問無狀一日五諸侯奔亡如

鳥往取之難梯天失之易反掌蒼然太行路翦翦還榛
莽關西賤男子誓肉虜杯羹請數繫虜事誰其爲我聽
蕩蕩乾坤大瞳瞳日月明叱起文武業可以豁洪溟安
得封域內長有扈苗征七十里百里彼亦何嘗爭往往
念所至得醉愁蘇醒韜舌辱壯心叫闥無助聲聊書感
懷韻焚之遺賈生

杜秋娘詩

并序

杜秋金陵女也年十五爲李錡妾後錡叛滅籍之
入宮有寵於景陵穆宗卽位命秋爲皇子傅姆皇
子壯封漳王鄭注用事誣丞相欲去已者指王爲
根王被罪廢削秋因賜歸故鄉予過金陵感其窮

且老爲之賦詩

京江水清滑生女白如脂其間杜秋者一作娘不勞朱粉施

老鼻卽山鑄後庭千雙

一作蛾

眉秋持玉笋醉

一作飲

與唱金縷

衣

勸君莫惜金縷衣勸君須惜少年時花開堪折直須折莫待無花空折枝李錡長唱此辭

鼻旣白首叛秋亦紅

淚滋吳江落日渡灞岸綠楊垂聯裾見天子盼眄獨依

依椒壁懸錦幕鏡奩蟠蛟螭低鬟認新寵窈窕復融怡

月上白璧門桂影涼參差金階露新重閑捻紫蕭吹晉書

涼州張駿塚得紫玉簫

莓苔夾城路南苑鴈初飛紅粉羽林仗獨賜辟

邪旗歸來煮豹胎饜飫不能飽咸池昇日慶銅雀分香

悲雷音後車遠事往落花時燕謀得皇子壯髮綠綏綏

畫堂授傅姆天人親捧持虎睛珠絡襪金盤犀鎮帷長

楊射熊羆武帳弄啞咿漸拋竹馬劇

一作戲

稍出舞雞奇嶄

嶄整冠珮侍宴坐瑤池睂宇儼圖畫神秀射朝輝一尺

桐偶人江充知自欺王幽茅土削秋放故鄉歸觚稜拂

斗極回首尙遲遲四朝三十載似夢復疑非潼關識舊

吏吏

一作毛

髮已如絲却喚吳江渡舟人那得知歸來四隣

改茂苑草菲菲清血灑不盡仰天知問誰寒衣一疋素

夜借隣人機我昨金陵過聞之爲歔歔自古皆一貫變

化安能推夏姬滅兩國逃作巫臣姬

一作妻

西子下姑蘇一

舸逐鴟夷織室魏豹俘作漢太平基誤置代籍中兩朝

尊母儀光武紹高祖本係生唐兒珊瑚破高齊作婢春

黃縠蕭后去揚州突厥爲閼氏女子固不定士林亦難

期射鉤後呼父釣翁王者師無國要孟子有人毀仲尼
秦因逐客令柄歸丞相斯安知魏齊首見斷簀中屍給
喪歷張輦廊廟冠綬危珥貂七葉貴何妨戎虜支蘇武
却生返鄧通終死飢主張既難測翻覆亦其宜地盡有
何物天外一作高復何之指何爲而捉足何爲而馳耳何爲
而聽目何爲而規已身不自曉此外何思惟因傾一樽
酒題何杜秋詩愁來獨長詠聊可以自怡

郡齋獨酌

黃州作

前年鬢生雪今年鬢帶霜時節序鱗次古今同鴈行甘
英窮西海四萬到洛陽東南我所見北可計幽荒中畫
一萬國角角基布方地頑壓不穴天迥老不僵屈指百

萬世過如霹靂忙人生落其內何者爲彭殤促束自繫
縛儒衣寬且長旗亭雪中過敢問當壚娘我愛李侍中
標標七尺強白羽八紘弓睚壓綠檀槍風前略橫陣紫
髯分兩傍淮西萬虎士怒目不敢當功成賜宴麟德殿
援超鶻掠廣毬場三千宮女側頭看相排踏碎雙明璫
旌竿幪幪旗燿燿意氣橫鞭歸故鄉我愛朱處士三吳
當中央罷亞稻名百頃稻西風吹半黃尚可活鄉里豈唯
滿困倉後嶺翠撲撲前溪碧泱泱霧曉起鳬鴈日晚下
牛羊叔舅欲飲我社甕爾來嘗伯姊子欲歸彼亦有壺
漿西阡下柳塢東陌繞荷塘姻親骨肉舍烟火遙相望
太守政如水長官貪似狼征輸一云畢任爾自存亡我

昔造其室羽儀鸞鶴翔交橫碧流上竹映琴書牀出語
無近俗堯舜禹武湯問今天子少誰人爲棟梁我曰天
子聖晉公提紀綱聯兵數十萬附海正誅滄謂言大義
小不義取易卷席如探囊犀甲吳兵鬪弓弩蛇矛燕戰

馳鋒鉞豈知三載幾

一作凡

百戰鉤車不得望其牆荅云此

山外有事同胡羗誰將國伐叛話與釣魚郎溪南重迴
首一徑出修篁爾來十三歲斯人未曾忘往往自撫已
淚下神蒼茫御史詔分洛舉趾何猖狂闕下諫官業拜
疏無文章尋僧解憂

一作幽

夢乞酒緩愁腸豈爲妻子計未

去山林藏平生五色線願補舜衣裳弦歌教燕趙蘭芷
浴河湟腥膻一掃灑

一作灑

兇狼皆披攘生人但眠良壽域

富農桑孤吟志在此自亦笑荒唐江郡雨初霽刀好截
秋光池邊成獨酌擁鼻菊枝香醺酣更唱太平曲仁聖
天子壽無疆

張好好詩

并序

牧太和三年佐故吏部沈公江西幕好好年十三
始以善歌來樂籍中後一歲公移鎮宣城復置好
好於宣城籍中後二歲爲沈著作述師以雙鬟納
之後二歲於洛陽東城重覩好好感舊傷懷故題
詩贈之

君爲豫章姝十三纔有餘翠茁鳳生尾丹葉蓮含跗高
閣倚天半章江聯碧虛此地試君唱特使華筵鋪主人

一作公顧四坐始訝來踟躕吳娃起引贊低徊映長裾雙鬢

可高下纔過青羅襦盼盼乍垂袖一聲雛鳳呼繁弦迸

關紐塞管裂圓蘆衆音不能逐裏裏穿雲衢主人一作公再

三歎謂言天下殊贈之天馬錦副以水犀梳龍沙看秋

浪明月遊朱一作東湖自此每相見三日已爲疎玉質隨月

滿豔態逐春舒絳脣漸輕巧雲步轉虛徐旌旆忽東下

笙歌隨舳艫霜凋謝樓樹沙暖句溪蒲身外任塵土罇

前極歡娛飄然集仙客著作嘗任集賢校理諷賦欺相如聘之碧瑤

珮載以紫雲車洞閉水聲遠月高蟾影孤爾來未幾歲

散盡高陽徒洛城重相見嫋嫋爲當壚怪我苦何事少

年垂白鬚朋遊今在否落拓更能無門館慟哭後水雲

秋景初斜日挂衰柳涼風生座隅灑盡滿襟淚短歌聊
一書

冬至日寄小姪阿宜詩

小姪名阿宜未得三尺長頭圓筋骨緊兩眼明且光去
年學官人竹馬遶四廊指揮羣兒輩意氣何堅剛今年
始讀書下口三五行隨兄旦夕去歛手整衣裳去歲冬
至日拜我立我旁祝爾願爾貴仍且壽命長今年我江
外今日生一陽憶爾不可見祝爾傾一觴陽德比君子
初生甚微茫排陰出九地萬物隨開張一似小兒學日
就復月將勤勤不自已二十能文章仕宦至公相致君
作堯湯我家公相家劒佩嘗丁當舊第開朱門長安城

中央第中無一物萬卷書滿堂家集二

一作三

百編上下馳

皇王多是撫州寫今來五紀強尙可與爾讀助爾爲賢
良經書括根本史書閱興亡高摘屈宋豔濃薰班馬香
李杜泛浩浩韓柳摩蒼蒼近者四君子與古爭強梁願
爾一祝後讀書日日忙一日讀十紙一月讀一箱朝廷
用文治大開官職場願爾出門去取官如驅羊吾兄苦
好古學問不可量晝居府中治夜歸書滿牀後貴有金
玉必不爲汝藏崔昭生崔芸李兼生窟郎堆錢一百屋
破散何披猖今雖未卽死餓凍幾欲僵參軍與縣尉塵
土驚動勦一語不中治笞箠身滿瘡官罷得絲髮好買
百樹桑稅錢未輸足得米不敢嘗願爾聞我語懽喜入

心腸大明帝宮闕杜曲我池塘我若一作苦自潦倒看汝爭
翺翔總語諸小道此詩不可忘

李甘詩

太和八九年訓注極虓虎潛身九地底轉上青天去四
海鏡清澄千官雲片縷公私各閑暇追遊日相伍豈知
禍亂根枝葉潛滋莽一作茂九年夏四月天誠若言語烈風
駕地震寧雷驅猛雨夜於正殿階一作衙拔去千年樹吾君

不省覺二酋日威武操持北斗柄開閉天門路森森明

庭士縮縮循牆鼠平生負奇一作名節一旦如奴虜指名爲

銅一作鉤黨狀一作銅跡誰一作難告訴喜無李杜誅敢憚髡鉗苦時

當秋夜一作仲秋月日值日庚午喧喧皆傳言明晨相登注予

時與和鼎

青字

官班各持斧和鼎顧予言我死知

一作有

處所

當庭裂詔書退立須鼎俎君門曉日開赭案橫霞布儼

雅千官容勃鬱吾累

一作累

怒適屬命郎將

趙儋除郎坊節度僭一作耽

昨之

傳者誤明日詔書下謫斥南荒去夜登青泥坂墜車傷

左股病妻尙在牀稚子初離乳幽蘭思楚澤恨水啼湘

渚怳怳三閭魂悠悠一千古其冬二克敗渙汗開湯罟

賢者須喪亡讒人尙堆堵予於後四年諫官事明主常

欲雪幽冤於時一禪補拜章豈艱難膽薄多憂懼

一作阻如

何干

一作牛

斗氣竟作炎荒土題此涕滋筆以代投湘賦

洛中送冀處士東遊

處士有儒術走可挾車輶壇宇寬帖帖符彩高酋酋不